

სახალხო გაზეტი

საქართველო

გაზეტის № 909

ლაგასტის № 160

კვირა, 2 თბათვე 1913 წ.



რაფაელის ახალი მადონა.

...გაეცალე, გაეცალე

შენ (კიური სინაზე ხარ მზის სხივების მოციქული
მიწის სევდით გადაშლილი წმიდა ტრფობის თაიგული
არ ემსხვერპლო მიწის ვნებას, არ მოხარო ქედი მალე
ჩემო სულო! შავ მიწას კი—გაეცალე გაეცალე!..

* *

შენ ოხვრა ხარ ქალწულისა ვნების ცრემლში ჩაღესილი
შენ ხარ მგონის აღმაფრენა სიყვარულით სხივგაშლილი
ტბისა ლივლივს ჩაეწანი ტალღებშია მიიმაღე
შავ მიწას კი, ჩემო სულო, გაეცალე, გაეცალე!..

* *

ან გაჰყევი სხივის კრთომას ცის ლაქვარდში სძებნე ბინა
ღრუბლის ქულას შეამოავლე გულმა რიჟა ციქვითინა

ღმერთს აუწყე გიჟურ ბოდვას თავი რისთვის ანაცვალე
შავ მიწას კი, ჩემო სულო, გაეცალე, გაეცალე!..

* *

ცაში ცეცხლის წვიმის ცვარი სპეტაკ ეთერს აელვარებს
ელვის ზოლზე მიწის ბურთი დაწნულ ეთერს მკერდს იფარებს
იქ—ვარსკვლავთა ლივლივიდან (არემლით მიწას უთვალთვალე!..
აქედგან კი შავბნელ მიწას, გაეცალე, გაეცალე!..

* *

მზეს ასცილდი, ჟამთა დენის საიდუმლოს საძებნელად
თაჩედურად ცას მოსთხოვე რისთვისაც ხარ ქვეყნად ხელად
ცისკენ სულო, მღელვარე სულთ გზა ასწავლე... გაუკვალე,
შავ მიწას კი, ჩემო სულო, გაეცალე, გაეცალე!..

კიკნა-ფშაველა.



ზღვრება

დრამა-ზღაპარი 3 მოქმ. 6 სურათად.

კერძო ქურუმთა ცხოვრებლად.

(მოქმედება სწარმოებს არმაზის მთის მიდამოში, მეორე საუკუნეში).

მოქმედება მეორე.

მეორე სურათი.

ორი ბნელი საკანი; ორივეში სდგას: ქვის საწოლები და დოკები წყლით; ერთში წევს ნანა, მეორეში იასე, სრული სიბნელე; მოისმის ბუს ხმა.

1.

ნანა, იასე.

ნანა. (ძილში) ია-სე... მე, მე დაგ-ლუ...

იგინივე მეფარმაზ.

მეფარმაზ. (კარებს შეაღებს) მნათე, შენ მანდ გეჭიროს თვალი... მანიშნე... იქნება როგორმე მოვანანიო. (შემოვა სა-ნათით) მოძღვარო ნანა...

ნანა. (გამოურკვეველი) ჰა... იასე, შენ...

მეფარმაზ. იასე?!.. არა, მე ვარ მეფარმაზ... სწორედ მზის შვენებაა...

ნანა. (უცბათ აიხვევს პირსა) მეფარმაზ?..

მეფარმაზ. ხომ ხედავ, მეც არ დამვიწყებინხარ... შეიხსენებ მოსახვევი, რად იკრავ... შენ ხმას არა მცემ?.. კარგია, დაწყნარდი... მე მომთმენი ვარ... აი, მე საწოლ ქვაზე ჩამოვ-ჯდები... შენც მომიჯდები... არ მეკარები?!.. მაგრამ, არა, დაწყნარდი... მე მოველ რომ დაგარიგო...

ნანა. (ერთს ნაბიჯს უკან გადადგავს) მამა-შვილურად?!..

მეფარმაზ. მოძღვარო ნანა! შენ მე დამცინი... კარგია, აქ დაჯექ... არ ვარგა აგრე... ჯი-უტობითა ვერას გააწყობ... შესნ თავსაც ავნებ... აი, ხომ ხედავ, მაგით შენ იასესაც დაღუპავ...

ნანა. იასეს?!.. არა, იასე აქ რა შუაშია... ის სრულიად უღა-ნაშაულოა...

მეფარმაზ. ჰო, და, აი, ხომ ხედავ... თუ გაჯიუტდი, მაშ, ისიც დაიღუპება...

ნანა. მაშ, მე რომ...

მეფარმაზ. ჰო, და შენ, რომ დასთანხმდე, ჩვენს წესსა დაემორჩილო... ვეცდები გადავარჩინო, ხომ ჩემს ხელშია...

ნანა. (განწირვით) მაშ, იასე განთავისუფლდება... და ჩემით...

მეფარმაზ. ჰო, და დაემორჩილე ღმერთების წესსა, კანონსა და...

ნანა. განწირვით მით გადავარჩენ იასესა...

მეფარმაზ. ტანჯვას ასცდება... აქედანაც წავა, განთავისუფლდება...

ნანა. აქაურობას ის განშორდება... ოხ, დედავ, ჩემო მშობელო!.. წელან გძრახავდი მორჩილებისთვის... მაგრამ, ვინ იცის... იქნებ შენც... შენც ვისიმეს. (ყრუდ) სიყვარულისთვის (სასოწარკვეთილის მორჩილებით) ალბად, ჩემი ბედიც ბები-ისაგან მე დამყოლია... კარგია, მე თანახმა (გულ-წასული დაეცემა) მე... თან-ახმა...

მეფარმაზ. ღმერთო, არმაზო!.. ნუ თუ ჩემია... მაგრამ, მოვებრუნო, გული, წაუღა (შეუსხნის მოსახვევს; შემდეგ ას-წევს და დაზღვებს ქვის საწოლზე; უსხნის გულ-მკერდს და დაუწყებს კოცნას) ოხ! რა მშვენებაა... ეს სიტკობება თვით ღმერთებსაც ჩვენ დაგვაფიწყებს... იასე!.. ააჰ, რა სიამოვნებით ჩავწვავ არმაზის ცეცხლშია... ეს თვით კანონმა... ვმადლობ ჩემს მოწინავეთ, რომ მათის ბძანებით მე ეს დამისაკუთრა...

ნანა. ჰა... მე... სად... ვინ...

მეფარმაზ. მე... მეფარმაზ...

ნანა. (გველ-ნაკბენივით წამოიჭრება) მეფარმაზ?!.. გორ, შენ ისარგებლე ჩემის სისუსტით?!.. ჩემის გონების შერყევით?!.. შორს, არ მომეკარო!.. შე მახინჯო!.. არა მარტოდ სახითა, არამედ თვითვე სულითა...

მეფარმაზ. მე, შენ, ძალით...

ნანა. შორს!.. როგორ, შენ ძალით?!.. მე საღის გონების მეუფლე!.. უმალ თქვენ, თქვენის კერპებით მთლად დაიმსხვრე-ვით, განადგურდებით... სანამ დაემორჩილდებით...

მეფარმაზ. შენ ძალით დაგიმორჩილებ... შემდეგ ცეცხლს მიგცემ არმაზისას...

ნანა. (ხელს მოჰკიდებს წყლის დოქს) შორს, არ მომე-კარო!.. თორემ, ხომ ჰხედავ, ნიშანსა დაგდებ მაგ მახინჯს სა-ხესა...

მეფარმაზ. (შეშინებული, საბრალოს გამომეტყველებით) მე...

ნანა. ხმა!.. ჰა, ჰა, ჰა... უბძანე მნათეს კარი გაგიღოს და წინ წაგიძღვეს, ვითა მეფარმაზს (რა გავა იგი მუხლს მოიდ-რეკს) ღმერთო გამჩენო! შენ მომე: ძალი, გონება საღი...

2.

იასე, ნანა, მაია, ზორვა.

იასე. (ძილში) შენ... ქრისტე ნაზარეველო...

ზორვა. (შემოაღებს კარებს) ხედავ, ლოცულობს...

მაია. მე სანამ მოვა მნათე აქვე მოვიციდი, ნიშანს არ და-ვივიწყებ... ხოლო შენ ჯერ უამბე...

3.

ზორვა. ჩემი შემოსვლა ვერც-კი გაიგო... იქნებ... მაგ-რამ, არა... მაგასაც უყვარს... ოჰ, სიყვარულო... რა რიგ არის გატაცებული... ეს სინათლე ვერც-კი შენიშნა...

ნანა. (შეამჩნევს სინათლეს, მი-მოიხედავს და წამოვარდება) სინათლეა...

ზორვა. მე ვარ, მოძღვარო ნანა...

ნანა. შენ... ზორვა, ჩემს სა-კანში...

ზორვა. მე... აი, მაიაცებლა-ვე მოვა...

ნანა. მაია?!..

4.

იგინივე მაია.

მაია. აი, მეც... რა ჰქენ, უამბე?..

ზორვა. ვერა, ვერ გაუბედე...

ნანა. მერე რა არის განა ისეთი?.. ან და როგორ, რის-თვის ხართ აქა...

მაია. მოკლედ, რადგან დრო აღარ არის... აი, მოძღვა-რო!.. ზორვას წილად ჰხვდა შენი ადგილის აქ დაკავება...

ნანა. როგორ...

მაია. მე უკვე შენის საცმელით იგი მოვკაზმე... პირი ხომ მიინც ახვეული გვაქვს, ხმასაც არ ამოიღებს და ვილა იც-ნობს...

ნანა. როგორ, ჩემს მაგიერ ეგ გაიწიროს? არა და არა...

ზორვა. უარს ნუ მეტყვი მით დაგიმადლებ...


ნანა. არა, ზორვა, ეგ შეუძლებელია...

ზორვა. ჩემთვის-კი, ნანა, სანატრელია... მე აქ არარა ვარ... და არც არა ვისმეს ვარგვივარ... ჩემს სიყვარულსა მე ვერ შევსწვდები... ხოლო ჩემს შვილს-კი, ვგონებ, სიკვდილით გამოვადგები...

ნანა. შენ შვილი გყავს... საყვარელ არსებიდან?.. და მე-რე... რატომ ვინც შენ გიყვარს...

მაია. ვინც უყვარს, ახლოა... მაგრამ მიუწოდომელია, უი-მედო... ამისი შვილი შემოწირულია, ზორვალია... მისში ჩვეუ-ლებისამებრ მსხვერპლად შესწირავენ არმაზს, მისი ჯერია...

ნანა. ოხ, სიბნელევე, უგუნურებავე... როდის უნდა გაძღე უმანკო სისხლით?



ნახატი ვალ. სიდამონ-ერისთავისა.

*) იხ. სურათებიანი დამატება № 159.

არჩილ ჯორჯაძის დასაფლავება.



„სახალხო გაზეთი“-ს რედაქციის წინ.

მაია. აი, მას სურს, გასწიროს თავი და მით შეილი გა-
დაარჩინოს.

ნანა. და, მერე, როგორ...

მაია. ეგ თვითონ იცის და მნათემ... შენ-კი, მოძღვარო,
ნუ იგვიანებ... რადგან იასეც უკვე მოგელის... თქვენ ერთად
წახვალთ სამშვიდობოსა...

ნანა. როგორ, იასე? მაშ, იასე განთავისუფლდა?..

ზორვა. გთხოვ, ნანა!.. მეც არ დამივიწყო...

ნანა. არა, ეს ხომ...

მაია. დროა, ისწრაფე, ნანა... საცაა ცისკარი ცათ გა-
მოჩნდება... კარებთან გველის მნათე...

ნანა. (შეხედავენ ერთმანეთს და გადაეხვევიან) ზორვა...

ზორვა. ნანა... გასწით, მოძღვარო, დასტკბით...

მაია. შენ და იასე... დასთესეთ ეგ სიყვარული ჩვენ ხალ-
ხის გულში... დაე, მოიპიკან მათ მომავალში...

ნანა. ჩემო გამზრდელიო...

ზორვა. კმარა... კარგია გასწით... მე-კი მივეცე ჩემისა
ბედის წერას...

5.

ზორვა, იასე, სხივი.

ზორვა. ღმერთებო, მომეცით ძალა... მიიღეთ ეს ჩემი
სული, იკმარეთ იგი და მაჩუქეთ შეილი...

იასე. რად... რის-თვის... განა ამი-თი...

სხივი. (სხეულის მაგვარი) იასე!..

იასე. (ზურგზე მწოლარი წაპოიკრება, თვალებს გაახელს)
ეს ხმა იღუმალი... რა ხარ, რა სულიერი ხარ...

სხივი. სხივი!.. გონების...

იასე. მერე აქამდე რატომ არსად არ მინახვიხარ?..

სხივი. საყოველთაოდ შენში ვარ...

იასე. ჩემში?!.. მაგრამ ეხლა, ასე ნათლად...

სხივი. ვითა გონების სანათლად...

იასე. მერე, და...

სხივი. იასე! რისთვის ყოყმანობ?

იასე. მე... განა ვყოყმანობ?..

სხივი. ნუ თუ ვერ ამჩნევ დღის სინათლესა?..

იასე. ვხედავ, ვხედავ, რომ მზისა სხივნი ღამის წყვლია-
ღის დამორგუნავია...

სხივი. მაშ, გასწი იმა სინათლის ბილიკით...

იასე. მერე, ვისთვის და რისთვის...

სხივი. შენის ხალხისთვის...

იასე. როგორ?!.. როგორღიკ კერპთა... ხელთა ექნილება
გაუღმერთიად... თლილის ქვისაგან და რკინისაგან გამოუსა-
ხავთ კერპნი ღმერთებად?.. და თავის შეილებს, უმანკო ბავ-
შეებს, ყელებს დადრავენ შესაწირავად?..

სხივი. ეგ გონებისა სიბნელე არის... შენი ვალია ეგ შე-
ნი სხივი მათ ჩაუშუქო...

იასე. მაგრამ...

სხივი. იქნებ გგონიათ: არმაზის თვალი განგებით ბრწყი-
ნავს?..

იასე. არა, არა...

იასე. არა, არა...

სხივი. და თუ დაბრმავდა... ეს ხომ მეფარმავის რეგენერაციაა...

იასე. ვგონებ... დიახ, დიახ...

სხივი. მაშ, წადი, ნულარ შედრკები... გაუკვალ გზასა
ნუ...

იასე. მაგრამ... განა თვით... აი, ქრისტე ნახარვევლი...
მისმავე ხალხმა არ შეიწყნარა... იგი ჯვარს აცვა...

სხივი. ვისით ჯვარს ეცვა, მათშივე აღზღდა... ნუ თუ
არ გესმის, დღეს შუქი ჰფენს ყველას გულში, მთელს საბერ-
ძნეთში... გასწი, ნუ აგვიანებ ამა კერპების უარის ყოფას...

იასე. მე, მე ვაგვიანებ?!..

სხივი. დაჰკა კერპებსა, მით დაამსხვრიე... ხოლო მით
ბნელთა გონების თვალი აუხილე...

იასე. (დაეცემა მუხლებზე) გმადლობ შენ...

6.

ზორვა, იასე, ნანა და შემდეგ მაია.

ნანა. (რა შემოაღებს კარებს სანათით. სხივი გაჰკრება)
იასე...

იასე. (უცხად მობრუნებული იცნობს, წამოვარდება,
თავ-დავიწყებული გადაეხვევა) ნანა...

მაია. (კარგა ხნის შემდეგ) კარგია, კმარა... დროა გაუღ-
გეთ გზასა... გალაგნის კართან დაგხვდებით მნათე... ის დაგა-
ყენებთ უზრუნველ გზაზე...

იასე. უზრუნველ გზაზე?..

ნანა. დროა წავიდეთ...

იასე. მერე შენც ჩემთან მოხვალ?..

ნანა. შენთანა, ჩემო სინათლევ სიყვარულისაგ...

იასე. გმადლობ, შენ ღმერთო...

ფ ა რ დ ა .

მღვთვალეობა მისამე.

პირველი სურათი.

მთა ფიჭვნარი მანგლისის ზეობისა. მთის ფერდობი, სადაც ჰყვავიან ყვა-
ვილინი ამწვანებულ ქორჯა ბალახთა შორს. საღამოა, მოსმის მდინარის
შხული. ფრინველების ჟღერით, ბატკნებთა აქა იქა ბლავილი და ამას
ყოველს ერთვის მეცხვარის სალამურის ხმა წყნარი და ტკბილი.

1.

ნანა, იასე.

ნანა. რა ტკბილია, ჩემო იასე, ყოფნა შენთანა. თითქოს
ბუნებაც ხარობს ჩვენითა. შეხედე, ყვავილთ, რა რიგ იფურ-
ჩქნებიან... ასე მგონია ყველა მე შემომხარის, ჩვენის ნეტარე-
ბითა სტკბება... აგერ, შეხედე ბელურას... იმ ბუჩქთანა, მე-

არჩილ ჯორჯაძის დასაფლავება.



სახალხის ქუჩაზე.

გობარს რა რიგ თავს დასტრიალებს, ექუქუქება, თითქოს
მას ეალერსება... შენ, იასე დღეს... სამის დღის შემდეგ, ვგო-
ნებ მოგწყინდა ჩემთანა ყოფნა...

იასე. აბა, რას ამბობ... ოხ, სიტკობებავ ამა ქვეყნისაგ...
განა შენთან ყოფნა მომეწყინება?.. მხოლოდ ამ სამის დღის
განმავლობაში ვიგემე მთელი ცხოვრება...

ნანა. არა, მხოლოდ ერთს დღეში...

იასე. როგორ? დღეს ხომ მესამე დღეა...

ნანა. ორი დღე აქა გზაში ვიყავით...

იასე. ჩემო ცხოვრებავ...

ნანა. ჩემო დიდებავ...

იასე. შენა სთქვი წელან, ბუნება ჩვენით ხარობდეს... არა... ჩვენ იმიტომ ვართ გაჩენილნი, რომ ყოველივეთ თვით ჩვენ ვხარობდეთ... მოვლინებულს კი არ ვიხმობდეთ, არამედ მითი ვსტკბებოდეთ... აი, მზე იმიტომ ბრწყინავს, რომ სითბო აძლიოს დედამიწას...

ნანა. შეხედე, იასე, მზე გადახრილა... რომ აღარ ბრწყინავს, გაწითლებულა... რად დაუკარგავს თვისი სხივი?..

იასე. სხივი?!.. თვით მეც... მეც დავკარგე იგი (წამოვარდება) მაშ, რატომ არ მიჩანს იგი?.. ნუ თუ ცხოვრების სიტკბოებამ დამიხშო?..

ნანა. (აპყვება) იასე რა დაგემართა?

იასე. არა, არა... მან, ხომ თვით მითხრა. ჩემშია იგი?.. მაშ, რატომ, რატომ არ მომეგლინა ამ სამი დღის განმავლობაში?..

ნანა. იასე, რა გემართება... ნუ თუ მოგწყინდა?..

იასე. არა, აბა რას ამბობ?.. მაგრამ, იცი ნანა... მეც თვით დავკარგე... აი, გესმის... ჩემი, ჩემი გონების სხივი... აი, იმ დამეს... მერე და რა რიგ ბრწყინავდა... გესმის, ნანა, სანამ შენ ჩემსა სენაკში შემოხვიდოდი... იმ ბნელ სენაკში მე თვით ვხედავდი...

ნანა. ჩემო დიდებავ, რა გემართება?..

იასე. მაჰს (მზისა მიმართ) „მისი შუქი ჰფენს მთელს საბერძნეთში“... გესმის, ნანა!.. ჩვენ ხვალ დღით აღრიან გზას გავუღებთ... იქ, იქ მოვიპოვო სხივი... მისი ჭეშმარიტება... შემდეგ, ჩემი ვალია... დიახ, ჩემი ვალია: ჩემს ხალხს მოვფინო რაც ეჭირვება... მაშ, ხვალ, ნანა, ვისწრაფოთ სინათლისაკენ... თუ გინდ, აი ეხლა... ნანა, შეხედე მნათე...

2.

იგინივე მნათე.

მნათე. დიახ, მე მნათე... მწვიდობა თქვენდა...

იასე. მერე და როგორ?..

მნათე. კერპთაგან გამოქცეული... თქვენსა ნაკვალზე ვარ წამოსული...

იასე. გამოქცეული?..

მნათე. დიახ, მოძღვარო, განა თქვენს შემდეგ ღმერთებთან დაიდგომება?.. თქვენის გამოსტუმრების შემდეგ მეფარმაზმა, შენ დაგიბარა... მაგრამ, რა ვერ გიხილა ცეცხლი ჰყარა... თვალები დამიბრიალა, ვითა არმაზმა, და ბძანა, ორივე თვალი დასთხარეთო... მაგრამ იმავე დამეს ჩვენმა კეთილმა მიაიმ თქვენსკენ გამომაპარა...

ნანა. მერე ჩემსა მიას...

მნათე. იმან, მოძღვარო, მეფარმაზისა ყოველი იცის... და აბა, იმას რას გაუბედავს?..

ნანა. ჩემს შესახება მოძღვართ სამსჯავრომ რა გადასწყვიტა?

მნათე. დაწვა არმაზის ცეცხლში...

ნანა. მაშ, მაინც დაწვა?..

მნათე. მეფე კარგა ხანს არ სთანხმდებოდა... მაგრამ მეფარმაზი არმაზის დაბრმავებაზე რომ უთითებდა...

იასე. ბოროტი სული...

მნათე. მით დაითანხმა... მაგრამ ბძანა: „დაე ღმერთმა არმაზმა ეს შაიწიროს და ამით ადამიანის სისხლი იკმაროს“...

ნანა. მაშ, საბრალო ბავშვი...

მნათე. ამის შემდეგ მეფემ არმაზის წინა ბევრი ილოცა და ცრემლიც კერპის წინაშე ბევრი დაჰღვარა...

ნანა. მეფე მეტად კეთილია...

იასე. შედარებით. სულიერთ მამა მეფარმაზი-კი თვითონება კერპი და ბოროტია...

მნათე. მასთან ფილიდა... თურმე ნუ იტყვი, მოძღვარო ნანა! იმ დღეს, აი, სამსჯავრო შენ რომა გსჯიდა, მოასე დაუარიგებია: შენ შავი თიხა არმაზის თვალებს წასცხეო და თუ მეფემ უარი სთქვა ნანას სიკვდილით დასჯა, მაშინ განიშნებ, გვიამბე: ვითომც სიზმარში არმაზისა გთხოვა, ვით დამნაშავეის ნანას სისხლიო...

იასე. ოხ, ბრბო ბოროტებისავ!.. ჩემო წინათ გრძობავ!..

ნანა. მან იცის მეფის გულკეთილობა... მერე შენ...

მნათე. მაიამ, თურმე, მათ ყური მოჰკრა, როცა იასეს დატყვევებისას მოასეს ნიშნავდა ამის ადგილას...

იასე. ბრბო სიბნელისა, სისხლის მსმელისა...

მნათე. ხვალ არის დღესასწაული თვით არმაზისა... ხვალვე დასჯიან შესაწირავად, ვითა ზორვადსა...

იასე. მერე ვისა...

მნათე. ნანა მოძღვრის მოადგილეა...

ნანა. (ლოცვით მუხლ-მოძრეკილი, ლალადი მხედვით მალლა აპყრობილი) ჰოი, წმინდაო, უმანკო ზორვა...

იასე. მერე ვილას დასჯიან, როს ნანას საკანი ცარიელია?..

მნათე. არა, მოძღვარო, ამა დასჯასა ზორვა მოელის მოთმინებითა...

იასე. როგორ!..

ნანა. სპეტაკო სულო...

მნათე. მოძღვარ ნანას მაგიერ...

იასე. (გაოცებული) მერე როგორ!

მნათე. იმ დღეს, როდესაც გამოგისტუმრეთ მე და მაიამ, გადავწყვიტეთ... იქ იყო ზორვა და, რა გაიგო, მან თვით ირგუნა ეს ბედის წერა, გვთხოვა...

იასე. მერე...

მნათე. იგი ამ გვარ შემთხვევას, თურმე ელოდა; რადგან სიკოცხლე მოჰბეზრებოდა...

იასე. უმიზეზოთა?..

მნათე. არარაობას გრძნობდა ანა ქვეყნადა...

იასე. ეგ ხომა კერპთა ბუნაგში თვით შემოვიდა...

მნათე. ერთგანიდან... იქ იზრდებოდა ჩვენივე მეფე...

იასე. რვე, ჩვენი მეფე!

მნათე. სანამ ქართველნი მას მოიხმობდნენ, სამეცხეთოში მეფედ დასვავენ; იქ იგი ზორვადს იცნობდა, ალბად უყვარდათ, მათ შვილიც ჰყოლიათ... მამას რომ ეს შეუტყვია უმანკო ბავშვი ჩვენს არმაზისთვის შემოუწირმეს...

იასე. ზორვადთა შორის... ჰოი, სიბნელევე...

მნათე. დედაც შვილისა კვალსა გამოჰყვა და კერპთა შემოეწირა...

იასე. რომ შვილი თვით აღეზარდა, ძუძუ ეწუა... და, იგი, ვითა უმანკო კრავი, არმაზის წინა წამოექციათ, დედისა ძუძუთ ნაწოვი სისხლი კერპის წინაშე სადიდებლად ძირს დაექციათ... ჰოი, განგებავე, განრისხდი... მოსპე ბუნაგი ბნელით მოცული...

მნათე. წრეულს რიგია ზორვადობისა მისი შვილისა...

იასე. მერე, მეფემ არ იცის განა?..

მნათე. არა, არ იცის... თუმცა-კი მეფე ყოველ დღე მიდის, მის სულსა ლოცავს...

იასე. მერე შენ?..

მნათე. ამის თქმა მეფის წინაშე არ ივარგებდა... და ზორვაც ამისა ნებას როდი მძლევდა...

იასე. მაშ...

მნათე. აი, ზორვასი სურვილი არი... და მოძღვარ ნანას მაგიერობაც მისთვის იცისრა, რომ...

იასე. რომ შე...

ნანა. მე შენ გადამერჩინე...

იასე. ზორვას უმანკო სისხლით?!.. მის სპეტაკ განწირულ სულით?!.. და შენც, ნანა, დასთანხმდი...

ნანა. შენთვის, ჩემო იასე, შენთვის...

იასე. ჩემთვის?!.. არა, შენის ცხოვრების სიტკბოებისთვის...

ნანა. იასე...

იასე. ერთხელ მაინც, ამ სამს დღეში, მისი განწირვა რად არ მითხარი... განა, ცხოვრების სიტკბომ შენ გაგიტაცა და ის იქ დაგავიწყა? მაგრამ, რა შენ... თვით ჩემი მოვალეობა?!.. მე, ვით ვაქაკი, შენზედა მძლავრი, მეტის-მეტადა დამნაშავე ვარ... ოჰ, სად, სადა ხარ, ჩემო გონების სხივო! მესმის, მესმის განწირული მშობლის ყვედრება, მისი სულის კვეთებას ხმა, ვხედავ, ვხედავ, უმანკო ბავშვო, შენსა მიამიტს თვალსა ჩემსკენა გამომზერილსა... და განა მარტო ერთისა... ვერ დასთვლის აღამიანი, ვით ცაზე ვარსკვლავსა... აა, სხივო ჩემის გონების, ვხედავ, მესმის ეგ შენი იღუმალი ხმა... ვხედავ, ვხედავ, შენსკვალს... მნათე!.. გასწი, გამიძებ...

მნათე. სადა, მოძღვარო...

იასე. კერპთ ბუნაგამდე...

ნანა. (გადაელოდება) იასე, ჩემო იასე, იქ დაილუპები...

იასე. ნანა!.. იქ მიმიძღვის მოვალეობა...

ნანა. (მნათეს) იქ დაილუპება...

იასე. (მნათე უკვე წინ უძღვება) მერე, რა?.. ვისით შობილი, მითივ დაფლული... გამიძებ, მნათე!..

3.

ნ ა ნ ა.

ნანა. მე უიმისოდ?.. ნეტა რას ვაქნევ?!..

ფ ა რ დ ა.

(დასასრული იქნება).

ს. გლახაშვილი.